

元史新編

元史卷七十

志一之七

麻七

法象

司天之說尙矣易曰天垂象見吉凶聖人象之又曰觀乎天文以察時變自古有國家者未有不致謹於斯者也是故堯命羲和麻象日月星辰舜在璿璣玉衡以齊七政天文於是有所測驗之器焉然古之爲其法者三家曰周髀曰宣夜曰渾天周髀宣夜先絕而渾天之學至秦亦無傳漢洛下閎始得其術作渾儀以測天厥後歷世遞相沿襲其有得有失則由乎其人智術之淺深未易遽數也自宋靖康之亂儀器歸金元興夔用金舊而規環不協太史郭守敬出其所制簡儀仰儀諸表皆精妙卓絕多古人所未及

昔人以管窺天宿度餘分約爲太半少未得其的乃用二線推測於餘分纖微皆有可攷於時四海測景之所凡二十有七東極高麗西至滇池南踰朱崖北盡鐵勒八十年間司天之官遵而用之靡有差忒至若日月薄食五緯凌犯彗孛飛流暈珥虹霓精祲雲氣等事可以數推前史加以占候具於簡冊自司馬遷作天官書班固范曄作天文五行等志其於星辰名號分野次舍推步候驗之際詳矣晉隋二志寶唐李淳風撰於二十八宿之躔度二曜五緯之次舍時日災祥之應分野休咎之別尤極詳備後有作者無以尚之是以歐陽修志唐書天文述法象之具及夫諸家麻議而凡前史所已載者皆略不復道今於日星風雨霜雹雷霆之災異雖嘗載於洪範春秋而穿鑿附會易

啟睦孟之誣滋奸民之惑失聖人之意故削之

簡儀

簡儀之制四方爲趺縱丈有八尺三分去一以爲廣趺面上廣六寸下廣八寸厚如上廣中布橫軌三縱軌三南二北抵中軌北一南抵中軌趺面四周爲水渠深一寸廣加五分四隅爲礎出趺面內外各二寸繞礎爲渠深廣皆一寸與四周渠相灌通又爲礎於卯酉位廣如四維長加廣三之二水亦如之北極雲架柱二徑四寸長丈有二尺八寸下爲鼈雲植於乾艮二隅礎上左右內向其勢斜準赤道合貫上規規環徑二尺四寸廣一寸五分厚倍之中爲距相交爲斜十字廣厚如規中心爲竅上廣五分方寸有半下二寸五分方寸以受北極樞軸自雲架柱斜上去趺

面七尺二寸爲橫軌白軌心上至竅心六尺八寸又爲龍柱二植於卯酉礎中分之北皆飾以龍下爲山形北向斜植以柱北架南極雲架柱二植於卯酉礎中分之南廣厚形制一如北架斜向坤巽二隅相交爲十字其上與百刻環邊齊在辰巳未申之間南傾之勢準赤道各長一丈一尺五寸自跌面斜上三尺八寸爲橫軌以承百刻環下邊又爲龍柱二植於坤巽二隅礎上北向斜柱其端形制一如北柱四游雙環徑六尺廣二寸厚一寸中間相離一寸相連於子午卯酉當子午爲圓竅以受南北極樞軸兩面皆列周天度分起南極抵北極餘分附於北極去南北樞竅兩旁四寸各爲直距廣厚如環距中心各爲橫闊東西與兩距相連廣厚亦如之關中心相連厚三寸爲竅方八

分以受窺衡樞軸窺衡長五尺九寸四分廣厚皆如環中腰爲圓竅徑五分以受樞軸衡兩端爲圭首以取中縮去圭首五分各爲側立橫耳高二寸二分廣如衡面厚三分中爲圓竅徑六分其中心上下一線界之以知度分百刻環徑六尺四寸面廣二寸周布十二時百刻每刻作三十六分厚二寸自半以上廣三寸又爲十字距皆所以承赤道環也百刻環內廣面臥施圓軸四使赤道環旋轉無滯之患其環陷入南極架一寸仍釘之赤道環徑廣厚皆如四游環面細刻列舍周天度分中爲十字距廣三寸中空一寸厚一寸當心爲竅竅徑一寸以受南極樞軸界衡二各長五尺九寸四分廣三寸衡首斜刻五分刻度分對環面中腰爲竅重置赤道環南極樞軸其上衡兩端自

長竅外邊至衡首底厚倍之取二衡運轉皆著環面而無
低昂之失且易得度分也二極樞軸皆以鋼鐵爲之長六
寸半爲本半爲軸本之分寸一如上規距心適取能容軸
徑一寸北極軸中心爲孔孔底橫穿通兩旁中出一線曲
其本出橫孔兩旁結之孔中線畱三分亦結之上下各穿
一線貫界衡兩端中心爲孔下洞衡底順衡中心爲渠以
受線直入內界長竅中至衡中腰復爲孔自衡底上出結
之定極環廣半寸厚倍之皆勢穹窿中徑六度度約一寸
許極星去不動處三度僅容轉周中爲斜十字距廣厚如
環連於上規環距中心爲孔徑五釐下至北極軸心六寸
五分又置銅板連於南極雲架之十字方二寸厚五分北
面刻其中心存一釐以爲厚中爲圓孔徑一分孔心下至

南極軸心亦六寸五分又爲環二其一陰緯環面刻方位
取跌面縱橫軌北十字爲中心臥置之其一曰立運環面
刻度分施於北極雲架柱下當臥環中心上屬架之橫軌
下抵跌軌之十字上下各施樞軸令可旋轉中爲直距當
心爲竅以施窺衡令可俯仰用窺日月星辰出地度分右
四游環東西運轉南北低昂凡七政列舍中外官去極度
分皆測之赤道環旋轉與列舍距星相當卽轉界衡使兩
線相對凡日月五星中外官入宿度分皆測之百刻環轉
界衡令兩線與日相對其下直時刻則晝刻也夜則以星
定之比舊儀測日月五星出沒而無陽經陰緯雲柱之映
其渾象之制圓如彈丸徑六尺縱橫各畫周天度分赤道
居中去二極各周天四之一黃道出入赤道內外各二十

四度弱月行白道出入不常用竹篋均分天度攷驗黃道所交隨時遷徙先用簡儀測到入宿去極度數按於其上校驗出入黃赤二道遠近疏密了然易辨仍參以算數爲準其象置於方匱之上南北極出入匱面各四十度太強半見半隱機運輪牙隱於匱中

仰儀

仰儀之制以銅爲之形若釜置於甄臺內畫周天度脣列十二辰位蓋俯視驗天者也其銘辭云不可體形莫天大也無競維人仰釜載也六尺爲深廣自倍也兼深廣倍絜釜兌也環鑿爲沼準以漑也辨方正位曰子卦也衡縮度中平斜再也斜起南極平釜斂也小大必周入地畫也始周浸斷浸極外也極入地深四十太也北九十一赤道斷

也列刻五十六時配也衡竿加卦異坤內也以負縮竿本
午對也首旋璣板竅納芥也上下懸直與斂會也視日透
光何度在也暘谷朝寶夕餒昧也寒暑發斂驗進退也薄
蝕起自鑿生殺也以避赫曦奪目害也南北之偏亦可概
也極淺十五林邑界也黃道夏高人所載也夏永冬短猶
少差也淡五十奇鐵勒塞也黃道浸平冬晝晦也夏則不
沒永短最也安渾宣夜昕穹蓋也六天之書言殊話也一
儀一揆孰善悖也以指爲告無煩喙也閻資以明疑者沛
也智者是之膠者怪也古今巧麻不億輩也非讓不爲思
不逮也將窺天朕造化愛也其有俊明昭聖代也泰山礪
乎河如帶也黃金不磨悠久賴也鬼神禁訶勿銘壞也

燈漏

大明殿燈漏之制高丈有七尺架以金爲之其曲梁之上
中設雲珠左日右月雲珠之下復懸一珠梁之兩端飾以
龍首張吻轉目可以審平水之緩急中梁之上有戲珠龍
二隨珠俛仰又可察準水之均調凡此皆非徒設也燈毬
雜以金寶爲之內分四層上環布四神旋當日月參辰之
所在左轉日一週次爲龍虎烏龜之象各居其方依刻跳
躍鏡鳴以應於內又次週分百刻上列十二神各執時牌
至其時四門通報又一人當門內常以手指其刻數下四
隅鐘鼓鈺鏡各一人一刻鳴鐘二刻鼓三鈺四鏡初正皆
如其機發隱於櫃中以水激之

正方案

正方案方四尺厚一寸四周去邊五分爲水渠先定中心

畫爲十字外抵水渠去心一寸畫爲圓規自外寸規之凡
十九規外規內三分畫爲重規徧布周天度中爲圓徑二
寸高亦如之中心洞底植臬高尺有五寸南至則減五寸
北至則倍之凡欲正四方置案平地注水于渠眠平乃植
臬於中自臬景西入外規卽識以墨影少移輒識之每規
皆然至東出外規而止凡出入一規之交皆度以線屈其
半以爲中卽所識與臬相當且其景最短則南北正矣復
徧閱每規之識以審定南北南北旣正則東西從而正然
二至前後日軌東西行南北差少卽外規出入之景以爲
東西允得其正當二分前後日軌東西行南北差多朝夕
有不同者外規出入之景或未可憑必取近內規景爲定
仍校以累日則愈真又測用之法先測定所在北極出地

度卽自案地平以上度如其數下對南極入地度以墨斜經中心界之又橫截中心斜界爲十字卽天腹赤道斜勢也乃以案側立縣繩取正凡置儀象皆以此爲準

圭表

圭表以石爲之長百有二十八尺廣四尺五寸厚一尺四寸座高二尺六寸南北兩端爲池圓徑一尺五寸深二寸自表北一尺與表梁中心上下相直外百有二十尺中心廣四寸兩旁各一寸畫爲尺寸分以達北端兩旁相去一寸爲水渠深廣各一寸與南北兩池相灌通以取平表長五十尺廣二尺四寸厚減廣之半植於圭之南端圭石座中入地及座中一丈四尺上高三十六尺其端兩旁爲二龍半身附表上擎橫梁自梁心至表顛四尺下屬圭面共

爲四十尺梁長六尺徑三寸上爲水渠以取平兩端及中腰各爲橫竅徑二分橫貫以鐵長五寸繫線合於中懸錘取正且防傾墊按表短則分寸短促尺寸之下所謂分秒太半少之數未易分別表長則分寸稍長所不便者景虛而淡難得實景前人欲就虛景之中攷求真實或設望筒或置小表或以木爲圭皆取表端日光下徹表面而至元十七年用太史令王恂等言建司天臺於大都儀象圭表皆以銅爲之表高三十六尺端挾以二龍舉一橫梁下至圭面共四十尺是爲八尺之表五圭表刻爲尺寸舊一寸今中而爲五釐毫差易分別又請上都洛陽等五處分置儀表各選監候官從之

景符

景符之制以銅葉博二寸長加博之二中穿一竅若針芥然以方閫爲趺一端設爲機軸令可開闔稽其一端使其勢斜倚北高南下往來遷就於虛景之中竅達日光僅如米許隱然見橫梁於其中舊法以表端測晷所得者日體上邊之景今以橫梁取之實得中景不容有毫末之差至元十六年己卯夏至晷景四月十九日乙未景一丈二尺三寸六分九釐五毫至元十六年己卯冬至晷景十月二十四日戊戌景七丈六尺七寸四分

闕几

闕几之制長六尺廣二尺高倍之下爲趺廣三寸厚二寸上闊廣四寸厚如趺以板爲面厚及寸四隅爲足撐以斜木務取正方面中開明竅長四尺廣二寸近竅兩旁一寸

分畫爲尺內三寸刻爲經分下應圭面几面上至梁心二十六尺取以爲準闕限各各長二尺四寸廣二寸脊厚五分兩刃斜綫取其於几面相符著限兩端厚廣各存二寸銜入几闕俟星月正中從几下仰望視表梁南北以爲識折取分寸中數用爲直景又於遠方同日闕測取景數以推星月高下也

西域儀象

世祖至元四年札馬魯丁造西域儀象○札圖哈刺吉漢言渾天儀也其制以銅爲之平設單環刻周天度畫十二辰位以準地面側立雙環而結於平環之子午半入地下以分天度內第二雙環亦刻周天度而參差相交以結於側雙環去地平三十六度以爲南北極可以旋轉以象天

運爲日行之道內第三第四環皆結於第二環又去南北極二十四度亦可以運轉凡可運三環各對縱銅方釘皆有竅以代衡簫之仰窺焉○札圖朔八台漢言測驗周天星曜之器也外周圍牆而東面啟門中有小臺立銅表高七尺五寸上設機軸縣銅尺長五尺五寸復加窺測之簫二其長如之下置橫尺刻度數其上以準掛尺下本開圖之遠近可以左右轉而周窺可以高低舉而徧測○魯哈麻亦泐凹只漢言春秋分晷影堂也爲屋二間脊開東西橫罅以斜通日晷中有臺隨晷影南高北下上仰置銅半環刻天度一百八十以準地上之半天斜倚銳首銅尺長六尺闊一寸六分上結半環之中下加半環之上可以往來窺運側望漏屋晷影驗度數以定春秋二分○魯哈麻

亦木思塔餘漢言冬夏至晷影堂也爲屋五間屋下爲坎
溪二丈二尺脊開南北一罅以直通日晷隨罅立壁附壁
縣銅尺長一丈六寸壁仰畫天度半規其尺亦可往來規
運直望漏屋晷影以定冬夏二至○苦來亦撒麻漢言渾
天圖也其制以銅爲丸斜刻日道交環度數于其腹刻二
十八宿形於其上外平置銅單環刻周天度數列于十二
辰位以準地面側立單環一一結于平環之子午以銅釘
象南北極一結于平環之卯酉皆刻天度卽渾天儀而不
可運轉窺測者也○苦來亦阿爾子漢言地里志也其制
以木爲圓毬七分爲水其色綠三分爲土地其色白畫江
河湖海脈絡貫串於其中畫作小方井以計幅員之廣袤
道里之遠近○兀速都刺不定漢言晝夜時刻之器也世

祖至元十九年納懷製飾銅輪儀表刻漏其制以銅如圓鏡而可掛面刻十二辰位晝夜時刻上加銅條縱其中可以圓轉銅條兩端各屈其首爲二竅以對望晝則視日影夜則窺星辰以定時刻背嵌鏡片三面刻其圖凡七以辨東西南北日影長短之不同星辰向背之有異故各異其圖以盡天地之變焉

四海測驗

至元十六年命郭守敬訪求精天文麻

河南府抵南海測驗暑影二十一年遣使分道測驗暑影交會

南海北極出地十五度夏至景在表南長一尺一寸六分晝五十四刻夜四十六刻

衡嶽北極出地二十五度夏至日在表端無景晝五十六刻夜四十四刻

嶽臺北極出地三十五度夏至晷景長一尺四寸八分晝六十刻夜四十刻

和林北極出地四十五度夏至晷景長三尺二寸四分晝六十四刻夜三十六刻

鐵勒北極出地五十五度夏至晷景長五尺一分晝七十七刻夜三十刻

北海北極出地六十五度夏至晷景長六尺七寸八分晝八十二刻夜十八刻

大都北極出地四十度太強夏至晷景長一丈二尺三寸六分晝六十二刻夜三十八刻

上都北極出地四十三度少

北京北極出地四十二度強

益都北極出地二十七度少

登州北極出地三十八度少

高麗北極出地三十八度少

西京北極出地四十度少

太原北極出地三十八度少

安西府北極出地三十四度半強

興元北極出地三十三度半強

咸都北極出地三十一度半強

西涼州北極出地四十度強

東平北極出地三十五度太

大名北極出地三十六度

南京北極出地二十四度太強

河南府陽城北極出地三十四度太弱

揚州北極出地三十三度

鄂州北極出地三十一度半

吉州北極出地二十六度半

雷州北極出地二十度太

瓊州北極出地十九度太

元史卷七十終

元史卷七十一

地理一

○原案地理志自敘論以至至生部路及嶺北遼陽南行省及西北地附錄旋職全仍錄舊志

以補之

元起朔漠并西域平西夏滅女真臣高麗定南詔遂下江南而天下爲一其地東南所至不下漢唐而西北則過之有難以里數限者初太宗六年甲午滅金得中原州郡七年乙未下詔籍民自燕京順天等三十六路戶八十七萬三千七百八十一口四百七十五萬四千九百七十五憲宗三年壬子又籍之增戶二十餘萬世祖至元七年又籍之又增三十餘萬十三年平宋全有版圖二十七年又籍之得戶千一百八十四萬八百有奇於是南北之戶總書於策者千三百一十九萬六千二百有六口五千八百八

十三萬四千七百一十有一而山澤溪洞之民不與焉立
中書省一行中書省十有一曰嶺北曰遼陽曰河南曰陝

西曰四川曰甘肅曰雲南

○原橐移雲南次湖廣後

曰江浙曰江西曰

湖廣曰征東分鎮藩服路一百八十五府三十三州三百
五十九軍四安撫司十五縣千一百二十七文宗至順二
年戶部錢糧戶數千三百四十萬六百九十九視前又增
二十萬有奇漢唐極盛之際有不及焉凡嶺北遼陽甘肅
四川湖廣各邊唐代所謂羈縻之州元皆賦役之比於內
地而高麗守東藩執臣禮惟謹亦古所未見地大民眾後
世狃於治安而不知詰戎兵慎封守積習委靡一旦有變
而天下遂至於不可爲嗚乎盛極而衰理固然也唐以前
以郡領縣而已元則有路府州縣四等大率以路領州州

領縣而腹裏或有以路領府府領州州領縣者其府與州

又有不隸路而直隸省者具載於篇而其沿革則泝唐而

止焉凡路低於省一字府與州直隸省者亦低於省一字各路錄事司

與路所親領之縣與府州之隸路者低於路一字府與州

所領之縣低於府與州一字府領州州又領縣者又低於

州若千府與州所領之縣若府若州曰領縣若千府若千

中書省統山東西北之地謂之腹裏爲路二十九州八

屬府三屬州九十一屬縣三百四十六各路立站總計百九十八處

大都路唐幽州范陽郡遼改燕京金遷都爲大興府元

太祖十年克燕初爲燕京路總管大興府太宗七年置

版籍世祖至元元年中書省臣言開平府闕庭所在加

號上都燕京分立省部亦乞正名遂改中都其大興府

仍舊四年始於中都之東北置城而遷都焉京城右擁太行左扼

滄海枕居庸奠朔方城方六十里十一門正南曰麗正南之右曰順承南之左曰文明北之東曰安貞北之西曰健德正東曰崇仁東之右曰齊化東之左曰光熙正西曰和義西之右曰肅清西之左曰平則海子在皇城之北萬壽山之陰舊名積水潭聚西北諸泉水流入都城而匯於此汪洋如海都人因名焉忒民漁采無禁藏周之虛 九年改大都十九年置留守司二十一年置大

都路總管府戶十四萬七千五百九十口四十萬有千

三百五十年至元七年籍數領院二縣六州十州領十六縣

右警巡院

左警巡院

初設警巡院三至元四年省其一止設左右二院分領坊市民事

縣六

大興 宛平

赤與大興分治郭下金水河源出玉泉山流入皇城故名金水

永清 寶坻

下至元十六年於縣立屯田所收子粒赴大倉及醴源倉輸納

昌平

州十

涿州下唐范陽縣復改涿州宋因之元太宗八年爲

涿州路中統四年復爲涿州領二縣范陽下倚郭房山

下金奉先縣至元二十七年改名

霸州下唐隸幽州周始置霸州宋升永清郡金置信

安軍元仍爲霸州領四縣益津下倚郭中統四年省至元二年置文

安下大城下保定下至元二年省入益津四年置

通州下唐爲潞縣金改通州取漕運通濟之義有豐

備通濟大倉以供京師領二縣潞縣倚郭三河下

薊州下唐置後改漁陽郡仍改薊州宋爲廣川郡金

屬中都元太祖十年定其地仍爲薊州領五縣漁陽

下倚郭豐潤下至元二年省入玉田四年以路當衝要復置二十一年立豐潤署領屯田入

七百三十戶玉田下遵化下平谷下至元二年省入

鄆州下遼金爲鄆陰縣元初爲大興府屬邑至元十三年升鄆州割大興府之武清香河二邑來屬領二縣香河下武清

順州下唐初改燕州後爲歸德郡復爲順州又爲歸順州遼爲歸化軍宋爲順興軍金仍爲順州置溫陽縣元廢縣存州

檀州下唐改密雲郡復爲檀州遼爲武威軍宋爲鎮遠軍金仍爲檀州元因之

東安州下唐以前爲安次縣遼金因之元初隸大興府太宗七年隸霸州中統四年升爲東安州隸大都路

固安州下唐仍隋舊爲固安縣隸幽州宋隸涿水郡

金隸涿州元憲宗九年隸霸州又改隸大興府中統四年升固安州

龍慶州唐爲媯川縣金爲縉山縣元至元三年省入懷來縣五年復置本屬上都路宣德府奉聖州二十二年仁宗生於此延祐三年割縉山懷來來隸大都升縉山爲龍慶州領一縣懷來

下

上都路唐爲奚契丹地金平契丹置桓州元初爲扎刺爾部兀魯郡王營幕地憲宗五年命世祖居其地爲巨鎮明年世祖命劉秉忠相宅於桓州東灤水北之龍岡中統元年爲開平府五年以闕庭所在加號上都歲一幸焉至元二年置畱守司五年升上都路總管府十八年升上都畱守司兼行本路總管府事戶四萬一千有

六十二口十一萬八千有百九十領院一縣一府一州
四州領三縣府領三縣二州州領六縣○已上原棄佚今錄舊志補之
警巡院

縣一

開平上

府一

順寧府唐爲武州遼爲德州金爲宣德州元初爲宣
寧府太宗二年改宣德路總管府中統四年改宣德
府隸上都路後至元三年以地震改順寧府領三縣
二州

三縣

宣德

下倚郭至元二年省本府之錄事司及龍門
縣並入焉二十八年又割龍門去屬雲州

宣平 下本隸弘州後來屬

二州

● 保安州 下唐新州遼改奉聖州金爲德興府元初因之舊領永興縉山懷來礬山四縣至元二年省礬山入永興二年省縉山入懷來仍改爲奉聖州隸宣德府五年復置縉山延祐三年以縉山懷來隸大都後至元三年因地震改保安州領一縣永

興 下倚郭

蔚州 下唐改爲安邊郡又改爲興唐縣後仍爲蔚州遼爲忠順軍金仍爲蔚州元至元二年省州爲靈仙縣隸弘州其年復改爲蔚州隸宣德府至大元年升蔚昌府旋復舊領五縣靈仙 下靈邱下飛

元史卷七十一

志

地理

五

狐下定安下廣靈下

州四

興州下唐爲奚地金初爲興化郡隸北京後爲興州

元中統三年屬上都路領二縣興安下至元二年置後至元五年省

宜興中至元二年置致和元年升爲州改隸上都路故有大小興州之目今承德府之喀喇和

屯卽興州故城也

松州下本松林南境遼置松山州金爲松山縣隸北

京路大定府元中統四年升爲松州仍存縣至元二

年省縣入州

桓州下本上谷郡地金置桓州元初廢至元二年復

置

雲州下古望雲川地契丹置望雲縣金因之元中統

四年升縣爲雲州治望雲縣至元二年州存縣廢二
十八年復升宣德之龍門鎮爲望雲縣隸雲州領一
縣望雲

興和路上唐屬新州金置柔遠鎮後升爲縣又升撫州
屬西京元至元四年以郡爲內輔升隆興路總管府至
大元年降爲源州皇慶元年改爲興和路建行宮戶八
千九百七十三口三萬九千四百九十領縣四州一

縣四

高原

下倚郭中統二年隸宣德府三年來屬

懷安

下元初隸宣德府中統三年來屬

天

成

下元初隸宣德府中統三年來屬

威靈

下元初隸宣德府中統三年來屬○舊志譌威靈

州一

寶昌州

下

金置昌州元初隸宣德府中統三年隸本

路置鹽使司延祐六年改寶昌州

永平路下唐平州遼爲盧龍軍金爲興平軍元太祖十年改興平府中統元年升平灤路置總管府設錄事司大德四年以水患改永平路戶萬三千五百有十九口三萬五千三百領司一縣四州一州領二縣

錄事司

縣四

盧龍

下倚郭

遷安

下至元二年省入盧龍縣後復置

撫寧

下至元二年與海山俱省

入昌黎三年復置四年又與海山俱入昌黎七年復置仍省昌黎海山入焉十一年復置昌黎以屬灤州

今昌黎屬本縣

昌黎

下至元十二年復置仍并海山入焉詳見撫寧縣

州一

灤州

下

在盧龍塞南金領義豐馬城石城樂亭四縣

元至元二年省義豐入州三年復置先以石城省入

樂亭其年改入義豐四年馬城亦省領二縣義豐下

倚郭至元二年省入州三年復置樂亭下元初嘗於縣置漢州尋廢復爲樂亭縣隸灤州

德寧路下唐振武軍地遼爲豐州北境金因之一統志

州在今山西省歸化城地西距隋唐豐州八百餘里元世祖至元中於其地建黑

水新城大德九年以黑水新城爲靜安路元姚燧河內

鄒王世居靜安黑水之陽方輿紀要大同府西北有官

山上於黃河九泉流爲黑河西北有官

州入於黑水上游元靜安路則在黑水北今大同府邊外饒

藍旗察哈爾地有哈刺烏蘇河西流經歸化城延祐五

年改德寧路舊史文宗紀至順二年趙王不魯納食邑

振之沙卽沙井淨卽淨州河東宣慰發近倉糧

德寧近故就發近倉以振其饑又世祖紀至元二十八

其後嗣襲封趙王者數世又封歸王者二趙王不魯納世系未詳蓋亦孛合裔孫德寧淨州沙井皆孛合後嗣趙領縣一德寧下初爲靜安縣王分地延祐五年改名

淨州路下遼豐州西北境金大定中於天山舊榷場置

縣曰天山復置淨州治焉爲豐州支郡元升爲路舊史未詳

何年所升仁宗紀延祐三年增集寧砂井淨州路同知

通判各一員則升爲路當在前淨州路亦孛合後嗣

趙王分地馬祖常撰其留祖月合乃神道碑云雍古部

族居淨州之天山舊史按竺邈傳雍古氏居雲中塞上

雍古卽汪古孛合之先世爲汪古部長居古雲中定

襄陰山間故卽舊部以封之一統志廢淨州在今內蒙

古四子部落西北領縣一天山下金

與喀爾喀接界舊縣

泰寧路下唐爲契丹地遼爲秦州及長春州遼志長春

河春獵之地聖宗紀太平四年改州本鳴子

鴨子河曰混同江卽今松花江金天德二年降長春

州爲縣隸肇州承安二年復置秦州於長春縣以舊秦

州爲金安縣隸焉尋省金安縣金志長春縣有撻魯古

河鴨子河遼太平四年

改拉魯河曰長春河蓋水以地名捷魯河卽捷魯古河

元祕史曰洮兒河今曰陀喇河流經內蒙古科爾沁部

會貴勒兒河東注嫩江合東南流又東會松花江金奉

州蓋在長春河側近其南境及於嫩江松花江會流之

間元初爲秦州路講乃台傳太宗十三年俾充北京東

帥元太祖弟別里古台之孫乃顏分地延祐二年改秦

寧府四年升秦寧路隸遼陽行省後直隸中書省史未詳何

年割隸領縣一秦寧下延祐四年置

集寧路下遼撫州地金置集寧縣仍隸撫州元升集寧

路東至興和路領縣一集寧下

應昌路下遼上京道西境遼上京西有平地松林太宗

爾海子在潢水源西北營幸此觀潢源元應昌路營

百餘里今日達里泊金爲慶州遼慶州近

河見全寧路金慶州兼有遼州懷州地西至桓州元

初爲國舅魯王按陳分地世祖至元七年按陳孫駙馬

幹維陳請於上都東北三百里本藩駐夏地答爾海子

建城曰應昌府二十二年升應昌路領縣一應昌

全寧路下遼上京臨潢府地金置全州屬北京路

治安豐縣有黃河黑河黃河即潢水蒙古語黃河曰西

刺木倫黑河曰哈刺木倫西刺一作錫拉黃也木倫河

也今內蒙古克什克 元初州廢元貞元年國舅按陳孫

駙馬蠻子台復請於應昌路東七百里駐冬地建城仍

曰全州大德元年升全寧府舊史成宗紀大德元年升

州置於何時列傳稱張庭珍為臨潢全州人蓋元初

州廢及元貞間建城時以在金廢全州地故仍舊名

年升全寧路特辭禪舊傳大德元年領縣一全寧

寧昌路下元延祐五年置寧昌府為駙馬昌王分地

都開平西北其地蓋近寶昌州寶昌州在興和路威寧

縣北即金昌州也元初駙馬李圖追封昌王其後襲封

數世又有封寧昌郡王者大德延祐間至治二年升寧

寧國高孫阿失其昌王食寧昌縣

昌路領縣一靈昌

下

砂井總管府

元陳旅贈砂井徐判官詩序天山之北舉陸演迪聯互乎大漠趙王封國在焉中統

初世祖北征阿里不可以張庭珍熟知西京入漠南路道立砂井諸驛其地蓋在淨州路北淨州路天山縣以

入山得名趙王

見前德靈路 領縣一砂井

以上七路一府八縣舊志竝闕沿革今補注于下

保定路

上本清苑縣唐隸鄭州宋升保州金因之置順

天軍節度元太宗十三年升順天路置總管府至元十二年改保定路設錄事司戶七萬五千有百八十二口十三萬九百四十領司一縣八州七州領十一縣

錄事司

縣八

青苑

中附

滿城

中

唐縣

下金隸定州後來屬

慶都

下元初隸真定府太宗十

元史卷七十一

志

地理

九

一年來屬行唐下曲陽中古恆州地唐爲曲陽縣宋屬中府割阜平靈壽行唐慶都唐縣以隸之逮移鎮歸德還隸中山府復爲曲陽縣後隸保定北嶽恆山在焉
新安改爲新安鎮人歸信縣四年割入容城九年置
新安縣爲新安鎮人歸信縣四年割入容城九年置
來屬博野下元初屬祁州後并人蒲陰至元三十一年復立

州七

易州

中

唐改上谷郡又復爲易州元太宗十一年割

隸順天府至元十年隸大都路二十三年還隸保定

領三縣易縣

中倚郭元初存州廢縣至元三年復置

涑水

下

定興

下金隸涑

州元來屬

祁州

中

唐爲義豐縣屬定州宋改爲蒲陰縣金於縣

置祁州屬眞定路元至元三年立附郭蒲陰縣及以

束鹿深澤二縣來屬隸保定領三縣蒲陰

中倚郭

深澤

下至元二年并入東鹿
鹿縣三年又來屬

雄州下唐歸義縣五代爲瓦橋關周世宗克三關於

關置雄州宋金因之金復置永定軍節度於此元太

宗十一年割雄州三縣屬順天路至元十年改屬大

都路十二年改屬順天路爲保定路二十三年復以

雄州隸之領三縣歸信下容城下新城下

二年改新泰州七年復爲縣隸大都路十一年隸
順天路至元二年隸雄州十年隸大都二十三年

復來屬

安州下唐爲唐興縣隸莫州宋升順安軍金改安州

治渥城縣元初移治葛城至元二年廢爲鎮入高陽

縣後復改安州隸保定領二縣葛城下高陽下

遂州下唐爲遂城縣屬易州宋改廣信軍金廢爲遂

城縣隸保州元至元二年省入安肅州爲鎮後復置州而縣廢隸保定

安肅州下本易州宥戎鎮地宋冊立靜戎軍又改安肅軍金爲安肅州元隸保定

完州下唐爲北平縣隸定州宋升北平軍金更爲永平縣又改完州元至元二年改永平縣後復爲完州燕南河北道肅政廉訪司

眞定路唐恆山郡又改鎮州宋爲眞定府元初置總管府領中山府趙邢洺磁滑相濬衛祁威完十一州後割磁威隸廣平滑滑隸大名祁完隸保定又以邢入順德洺入廣平相入彰德衛入衛輝又以冀深晉蠡四州來屬戶十三萬四千九百八十六口二十四萬六百七十

領司一縣九府一州五府領三縣州領十八縣

錄事司

縣九

眞定

中倚郭

藁城

中太宗六年爲永安州無極甯晉新樂平棘四縣隸焉七年廢州爲藁城

縣屬

欒城

下

元氏

中

獲鹿

中太宗在潛邸改西甯州既卽位七年復爲獲鹿縣

隸眞定

平山

下

靈壽

下

阜平

下

涉縣

元初爲崇州隸眞定路後廢州復置

涉縣至元二年省人磁州後復來屬

府一

中山府唐定州宋爲中山府金因之元初仍舊舊領

祁完二州太宗十一年割二州隸順天府後爲散府

隸眞定領三縣安喜

中

新樂

下

無極

中

州五

趙州

中

唐趙州宋爲慶源府置軍於此金改沃州元

仍爲趙州舊領平棘臨城欒城元氏高邑贊皇寧晉

隆平柏鄉九縣太祖十五年割欒城元氏隸眞定領

七縣平棘

中

寧晉

下

隆平

下

臨城

中

柏鄉

下

贊皇

下至元二年并入高邑七年復置

冀州

上

唐改魏州後仍爲冀州宋金元因之領五縣

信都

中至元初與冀州錄事司俱省入冀州後南復置三年省錄事司入焉爲冀州治所

呂

上

棗彊

中

武邑

中

新河

中

四年置

深州

下

唐改饒陽郡後仍爲深州元初隸河間置帥

府太宗十年隸眞定路領饒陽安平武彊束鹿靜安

五縣後割安平饒陽武彊隸晉州束鹿隸祁州以冀

州之衡水來屬領二縣靜安

中

衡水

下

晉州唐宋皆爲鼓城縣元太祖十年改晉州太宗十

年立鼓城等處軍民萬戶所中統二年復爲晉州領

四縣鼓城

中倚郭

饒陽

中

安平

下太祖十九年爲南平州於此行下戶總管府

事領饒陽一縣太宗七年復改爲縣隸深州憲宗在潛邸隸鼓城等處軍民萬戶府中統二年改立

晉州仍爲安平縣隸焉

武彊

下元初朔立東武州領武邑靜安太宗六年廢州復爲縣改隸

深州十一年割屬祁州憲宗在潛隸鼓城等處軍民萬戶府中統二年置晉州縣隸焉

蠡州

下

宋以定州博野縣置永寧軍金升爲寧州旋

改蠡州元初隸眞定領司候司博野縣至元三年省

司候司博野縣入蠡州十七年直隸省部二十一年

仍屬眞定

順德路

下

唐邢州宋爲信德府金改邢州元初置元帥

府後改安撫司憲宗分洛水民戶之半於武道鎮置司

總管五年以武道鎮置廣宗縣竝以來屬中統三年升
順德府至元元年以沼州磁州來屬二年沼磁自爲一
路以順德爲順德路總管府戶三萬五百有一口十二
萬四千四百六十領司一縣九

錄事司

縣九

邢臺

中倚郭

鉅鹿

中

內邱

中至元二年并唐山縣入

焉後復置唐山與內邱竝平

鄉

中廣宗

中憲宗五年置中統三年以後屬順德府

至元二年省入平鄉縣後復置隸順德路

沙河

下至元二年省南和縣入

南和

下

唐山

下任縣

下至元二年省入
邢臺縣後復置

廣平路

下

唐沼州又爲廣平郡元太宗八年置邢沼路

總管府以邢磁威隸之憲宗二年爲沼磁路止領磁威

二州至元十五年升廣平路總管府戶四萬有千四百四十六口六萬九千八十領司一縣五州二州領六縣錄事司

縣五

永年

中倚郭

曲周

中

肥鄉

中

雞澤

下元初并入

唐平

下永年後復置

州二

磁州

中

唐磁州宋因之金以隸彰德元太祖十年升

爲滏源軍節度隸眞定路太宗八年隸邢洺路憲宗

二年改邢洺路爲洺磁路至元二年以眞定之涉縣

及成安縣并入滏陽武安縣并入邯鄲止以滏陽邯

鄲二縣及錄事司來屬後復置涉縣歸眞定以滏陽

武安邯鄲成安錄事司隸焉至元三年并錄事司入

滏陽縣至元十五年改洛磁路爲廣平路總管府磁

州仍隸焉領四縣滏陽

中倚郭

武安

中

邯鄲

下

成安

威州

中

舊無此州金始置元太宗六年割隸邢洛路

以洛水縣來屬憲宗二年隸洛磁路徙州治於洛水

領二縣洛水

中倚郭太宗八年隸洛州定宗二年徙威州治此

并

陘

下威州本治此憲宗二年移州治於洛水縣并陘爲屬縣

彰德路

下

唐相州又改鄴郡石晉置彰德軍節度於此

金升彰德府元太宗四年立彰德總帥府領衛輝二州

憲宗二年割出衛輝以彰德爲散府屬眞定路至元二

年復立彰德總管府領懷孟衛輝四州及本府安陽臨

漳湯陰輔岩林慮五縣四年又割出懷孟衛輝仍立總

管以林慮升爲林州復立輔岩縣隸之六年并輔岩入

安陽戶三萬五千二百四十六口八萬八千二百領司
一縣三州一

錄事司

縣三

安陽

上至元六年并輔岩入焉

湯陰

中臨漳

州一

林州下本林慮縣金升爲州元太宗七年行縣事憲
宗二年復爲州至元二年復爲縣又并輔岩入焉未
幾復爲州割輔岩入安陽仍以州隸彰德路

大名路

中

唐魏州五代後漢改大名府金改安武軍元

因舊名爲大名府路總管府戶六萬八千六百三十九
口十六萬有三百六十領司一縣五州三州領六縣

元史卷七十一

志

地理

西

錄事司

縣五

元城

中倚郭至元二年并入大名縣後復置

大名

中倚郭太宗六年立縣治憲宗二年遷縣

事於府城內至元二年省

大名

元城來屬尋析於故所

南樂

中魏

縣中

清河

本恩州地太宗七年籍爲清河縣隸大名路

州三

開州

上

唐澶州宋升開德府金爲開州元割開封之

長垣曹州之東明來屬領四縣濮陽

上倚郭

東明

中太宗七

年割隸大名路至元二年來屬

長垣

中初隸大名路至元二年始隸開州

清豐

中

滑州

中

唐爲滑州置義成軍節度於此宋改軍額曰

武成金仍爲滑州元因之領二縣白馬

上爲州治所

內黃

滑州

下

唐置黎州後廢爲黎陽縣宋升通利軍又升

潞州金因之元初隸真定至元二年隸大名

懷慶路

下唐

懷州復改河內郡又仍爲懷州宋升爲防

禦金改南懷州又改沁南軍元初復爲懷州太宗四年
行懷孟州事憲宗六年世祖在潛邸以懷孟二州爲湯
沐邑七年置總管府隸真定路至元元年改隸彰德路
二年復以懷孟自爲一路延祐六年以仁宗潛邸改懷
慶路戶三萬四千九百九十三口十七萬九百二十領
司一縣三州一州領三縣

錄事司

縣三

河內

中

修武

中

武陟

中

州一

孟州下唐置河陽軍又升孟州宋隸京西北路金大定中爲河水所壞北去故城十五里築新城徙治焉故城謂之下孟州新城謂之上孟州元初治下孟州憲宗八年復立上孟州河陽濟源王屋溫四縣隸焉設司候司至元三年省王屋入濟源并司候司入河陽領三縣河陽下濟源下太宗六年改濟源爲原州七年州廢復爲縣至元三年

省王屋縣入焉溫縣

衛輝路下唐義州又爲衛州又爲汲郡宋仍爲衛州金因之置河平軍於此元中統元年升衛輝路總管府設錄事司戶二萬二千有百一十九口十二萬七千二百四十領司一縣四州二

錄事司

縣四

汲縣下倚郭新鄉中獲嘉下胙城下舊以胙城爲倚郭

汲以胙城爲屬邑

州二

輝州下唐以其城縣置其州宋隸衛州金改爲河平縣又改蘇門縣又升蘇門縣爲輝州置山陽縣屬焉至元三年省蘇門縣廢山陽爲鎮入本州

淇州下唐宋金竝爲衛縣之域曰鹿臺鄉元憲宗五年以大名彰德衛輝籍餘之民立爲淇州因又置縣曰臨淇爲倚郭中統元年隸大名路宣撫司至元三年立衛輝路以州隸之而臨淇縣省

河間路上唐瀛州宋河間府元至元二年置河間路總

管府戶七萬九千二百六十六口十六萬八千五百三十領司一縣六州六州領十七縣

錄事司

縣六

河間

中倚郭

肅寧

下至元二年廢爲鎮入河間縣後復舊

齊東

下憲宗三年隸濟南

路至元二年

寧津

下憲宗二年屬濟南

還屬河間路

臨邑

下本屬濟南府

大宋七年割屬河間憲宗三年

青城

下本屬平鎮太

還屬濟南至元二年復屬河間

青

州宗七年析臨邑

城縣隸陵州至元二年隸河間

州六

滄州

中

唐改景城郡復仍爲滄州置橫海軍節度於

此宋金因之元爲滄州至元二十五年以滄州軍營

城爲滄溟縣後省領五縣清池

中

樂陵

中

南皮

下無

棣

下至元二年并入樂陵縣以鹽山下
縣治入濟南之棣州尋復置

景州

中

唐觀州又改景州宋改永靜軍金仍改觀州

元因之至元二年復爲景州領五縣脩縣

中舊屬觀州元初升

元州後復爲脩縣

故城

中元初隸河間路至元二年并爲故城鎮屬景州是年復置縣還來

屬

阜城

下

東光

下

吳橋

中

清州

下

五代置乾寧軍宋爲乾寧郡大觀閒以河清

改清州金爲乾寧軍元太宗二年改清寧府七年又

改清州至元二年以靖海興濟兩縣及本州司候司

并爲會川縣後復置清州領三縣會川

中

靖海

下

獻州

下

本樂壽縣宋隸瀛州又隸河間府金改爲壽

州又改獻州元至元二年以州并入樂壽直隸河間

路未幾復舊領二縣樂壽

中附郭

交河

中至元二年入樂壽未幾如故

莫州

下唐置

鄭州尋改爲莫舊領二縣至元二年省

入河間未幾仍領二縣莫亭

下倚郭至元二年與任邱俱省入河間縣後復

置任邱

陵州

下本將

陵縣宋金皆隸景州元憲宗三年割隸

河間府是年升陵州隸濟南路至元二年復爲縣三

年復爲州仍隸河間路

東平路

下唐鄆州

又改東平郡又號天平軍宋改東平

府隸京東路金隸山東路元太祖十五年嚴實以彰德

大名磁沼恩博濬滑等戶三十萬來歸以實行臺東平

領州縣五十四實歿子忠濟爲東平路管軍萬戶總管

行總管府事州縣如舊至元五年以東平爲散府九年

改下路總管府戶四萬四千七百三十一口五萬一百四十領司一縣六

錄事司

縣六

須城

下爲東平治所

東阿

中陽穀

汶上

中壽張

平陰

下

至元十三年以縣之莘鎮寨孝德等四鄉分析他屬明年改寨爲肥城縣隸濟寧路以平陰仍屬東平

東昌路

下

唐博州宋隸河北東路金隸大名府元初隸

東平路至元四年析爲博州路總管府十三年改東昌路仍置總管府戶三萬三千一百有二口十二萬五千四百領司一縣六

錄事司

縣六

元史卷七十一

志

地理

六

聊城

中倚郭

堂邑

中

莘縣

中宋隸大名府元來屬

博平

中

茌平

中

邱縣

下本爲鎮隸曲周至元二年并入堂邑差稅詞訴相

去二百餘里往復非便平恩有戶二千七百升縣爲宜遂立邱縣隸東昌

濟寧路

下

唐麟州周於此置濟州元太宗七年割屬東

平府至元六年以濟州還治鉅野仍析鄆城之四鄉來屬八年升濟寧府治任城尋還治鉅野十二年復立濟州治任城屬濟寧府十五年遷府於濟州卻以鉅野行濟州事其年又以府治歸鉅野而濟州仍治任城但爲散州十六年濟寧升爲路置總管府至正八年河決遷路於濟州而任城遂爲治所戶萬五百四十五口五萬九千八百一十領司一縣七州三州領九縣

錄事司

縣七

鉅野

中倚郭金廢屬鄆州
元至元六年復立
鄆城上金以水患徙置盤

來肥城

中宋金爲平陰縣元至元十二年以平陰
屬肥城改爲肥城縣

鄉至元二

初隸濟州
屬錫寨東北十五里舊城改爲肥城縣
鄉至元二初隸濟州錫寨東北十五里舊城改爲肥城縣

年以戶口

稀少并入單父縣
年以戶口稀少并入單父縣

置縣隸東

平路至元二年以戶口稀少并入
置縣隸東平路至元二年以戶口稀少并入

單父三年

復立縣屬濟州八年隸濟寧路
單父三年復立縣屬濟州八年隸濟寧路

豐縣三年

復立沛縣八年以豐縣直隸濟寧路
豐縣三年復立沛縣八年以豐縣直隸濟寧路

濟州

唐以前爲濟北郡治單父唐初爲濟州又爲

濟陽郡

仍改濟州周潁濟水立濟州宋因之金遷州

治任城

以河水湮沒故也元至元二年以戶不及千

數并隸

任城六年遷州於鉅野而任城爲屬邑八年

升州爲濟寧府治任城復還府治鉅野十二年以任城當江淮水陸衝要復立濟州屬濟寧路而任城廢十五年遷府於濟州以鉅野行濟州事其年復於鉅野立府仍於此爲州二十三年復置任城隸州領三縣任城倚郭魚臺太宗七年屬濟州至元二年并入金鄉三年復故八年屬濟寧府十三年來沛縣太宗七年移滕州治此憲宗二年州廢復爲縣至元二年省入豐縣三年復置八年隸濟寧府十三年來屬

兗州

下

唐兗州泰寧軍節度宋改襲慶府金仍爲兗

州改軍額曰泰定元初復爲兗州屬濟州憲宗二年

分隸東平路至元五年復屬濟州十六年隸濟寧路

總管府

至元二十三年立尙珍署領屯田四百五十

入鈔納於

領四縣嶧陽

曲阜

泗水

至元二年省入曲阜三年

復甯陽至元二年省入甯陽大德元年復置

單州下唐置輝州治單父後唐改爲單州宋升團練

州金隸歸德府元初屬濟州憲宗二年屬東平府至

元五年復屬濟州十六年隸濟寧路領二縣單父下

郭元初與單州并入濟州憲宗二年改隸東平府至元二年復立單父縣三年還屬濟州後屬單州

嘉祥舊屬濟州憲宗二年割隸東平路至元三年還屬濟州後爲單州屬縣

曹州上唐初爲曹州後改濟陰郡又仍爲曹州宋改興

仁府金復爲曹州元初隸東平路總管府至元二年直

隸省部戶三萬七千有百五十三口十九萬五千三百

三十領縣五濟陰上成武中定陶中禹城中楚邱中

濮州上唐初爲濮州後改濮陽郡又仍爲濮州宋升防

禦郡金爲刺史州元初隸東平路後割大名之館陶朝

城恩州之臨清開州之觀城來屬至元五年析隸省部戶萬七千三百有十六口六萬四千二百九十領縣六

鄧城

上朝城

中初隸東平府至元五年來屬

館陶

中初屬東平路至元三年來屬

臨

清

觀城

下金屬開州元初來屬

范縣

下初屬東平府路至元二年來屬

高唐州

中唐爲縣屬博州宋金因之元初隸東平至元

七年升州戶萬九千一百有四口二萬三千有百二十

領縣三高唐

中

夏津

中初隸東平至元七年來屬

武城

中初隸東平至元七年來

屬

泰安州

中

本博城縣唐初於縣置東泰州後廢州改爲

乾封縣屬兗州宋改奉符縣金置泰安州元初屬東平

路至元二年省新泰縣入萊蕪縣五年析隸省部三十

一年復立新泰縣

東嶽秦山在焉

戶九千五百四十口萬有七

百九十領縣四奉符

中長清

中舊屬濟南府元初來屬

萊蕪

下新泰

金屬泰安州至元二年省入萊蕪三十一年復立

德州唐初爲德州後改平原郡又仍爲德州金屬山東西路元初隸東平路總管府割大名之清平濟南之齊河縣來屬戶二萬四千四百二十四口十五萬六千九百五十領五縣安德

下平原

下齊河

金冊置此縣隸濟南府至元二年來

屬清平

宋金隸大名府元初來屬

德平

恩州

中

唐貝州又爲清河郡宋改恩州金隸大名府路

元初割清河縣隸大名府以武城隸高唐惟存歷亭一縣及司候司至元二年縣及司俱省入州七年自東平析隸省部戶萬有五百四十五口三萬七千四百八十冠州本冠氏縣唐因隋舊置毛州後州廢縣屬魏州宋

金竝屬大名府元初屬東平路至元六年升冠州直隸省戶五千六百九十七口二萬三千有四十

山東東西道宣慰司

益都路唐青州置平盧軍節度于此宋仍爲青州改軍額曰鎮海金爲益都府元爲益都路置總管府戶七萬七千有百六十四口二十一萬二千五百領司一縣六州八州領十五縣

錄事司

縣六

益都 中倚郭至元二年以行濰州及行濰川縣并入臨朐復置縣 臨淄 下 臨朐 下 高苑 下 樂安 下 壽

光 下

州八

濰州下唐初爲濰州後廢宋爲北海軍復升濰州金
屬益都路元初領北海昌邑昌樂三縣及司候司憲
宗三年省司候司入北海至元三年省昌樂縣入北
海領二縣北海下昌邑下

膠州下唐初爲膠西縣宋置臨海軍金仍改爲膠西
縣屬密州元太祖於縣置膠州領三縣膠西中卽墨

下宋金皆隸萊州元太祖二十二年來屬高密
下宋金並隸密州

密州唐初改爲高密郡後仍爲密州宋爲臨海軍復
爲密州元初因之以膠西高密屬膠州憲宗三年省
司候司入諸城縣隸益都領二縣諸城州治安丘下
莒州下唐廢莒州以莒縣隸密州宋沿其舊金復爲

莒州隸益都府元初因之領四縣莒縣

下州治所憲宗三年省司

侯司入焉沂水

下有沂山

日照

下

蒙陰

下元初因舊名爲新泰縣中統

三年以李璲亂人民逃散省入沂水皇慶二年復置爲蒙陰縣

沂州

下

唐初改爲瑯邪郡後仍爲沂州宋屬京東東

路金屬山東東路元屬益都路領二縣臨沂

中州治所憲宗

三年省司費縣下侯司入焉

滕州

下

唐爲滕縣屬徐州宋仍舊金改爲滕州屬兗

州元隸益都路領二縣滕縣

下本州之附郭元至正開移縣治薛城而分縣

之十鄉半隸縣半隸州

鄒縣

下

嶧州

下

唐置鄆州又改蘭陵縣爲永縣後州廢以縣

屬沂州宋仍舊金改蘭陵縣於縣置嶧州元初以嶧

州隸益都路至元二年省蘭陵入本州

博興州下唐博昌縣後唐改博興宋屬青州金屬益都府元初升爲州

山東東西道肅政廉訪司

濟南路上唐濟州又改臨淄郡又改濟南郡又爲青州宋爲濟南府金因之元初改濟南路總管府舊領淄陵二州至元三年淄州割入淄萊路陵州割入河閒路又割臨邑縣隸河閒路長清縣入泰安州禹城縣隸曹州齊河縣入德州割淄州之鄒平縣來屬置總管府戶六萬三千二百八十九口十六萬四千八百八十領司一縣四州二州領七縣

錄司事

縣四

歷城

中倚

章邱

上

鄒平

上唐宋皆屬淄州至元間來屬

濟陽

中

州二

棣州

上

唐析滄州之陽信商河樂陵厭次置棣州宋

金因之元初濱棣自爲一道中統三年改置濱棣路

安撫司至元二年與濱州俱隸濟南路領四縣厭次

中倚郭初立司候司至元二年省入本縣

商河

中

陽信

中無棣下宋金屬滄州

元初割無棣之半屬滄州半以來屬

濱州

中

唐屬棣州周始置濱州金隸益都元初以棣

州爲濱棣路至元二年省路爲州隸濟南路領三縣

渤海

中初設司候司至元二年省入此縣

利津

下

霑化

般陽府路

下

唐淄州宋屬京東東路金屬山東東路元

初太宗在潛置新城縣中統四年割濱州之蒲臺來屬

先是淄州隸濟南路總管府五年升淄州路置總管府是歲改元至元割鄒平屬濟南路高苑屬益都路二年改淄州路爲淄萊路二十四年改般陽路取漢縣以爲名戶二萬有千五百三十口十二萬三千二百領司一縣四州二州領八縣

錄事司

縣四

淄川

中倚郭

長山

中初屬濟南路中統三年來屬

新城

中本長山縣驛臺太宗在潛以

人民完聚册置城曰新

蒲臺

中金屬濱州元初隸濱棣路中統五年屬淄州

至元二年改屬淄萊路

州二

萊州

中

唐初改東萊郡爲萊州宋爲防禦州金升定

海軍屬山東東路元初屬益都路中統五年屬淄萊

路舊設錄事司至元二年省入掖縣又省卽墨入掖

與膠水仍隸般陽路領四縣掖縣中倚郭至元二年省錄事司析卽墨

縣入焉膠水下至元二年析招遠下萊陽

登州下唐初爲牟州復改登州宋屬京東東路元初

屬益都路中統五年別置淄萊路以登州隸之至元

二十四年改屬般陽路領四縣蓬萊下黃縣下福山

下僞齊以登州之雨水鎮爲棲霞福山縣揚墮鎮爲棲霞縣

寧海州下僞齊劉豫以登州之文登牟平二縣立寧海

軍金升寧海州元初隸益都路至元九年直隸省部戶

五千七百有十三口萬五千七百四十領縣二牟平中

文登下

河東山西道宣慰使司

大同路上唐爲北恆州又爲雲州又改雲中郡遼爲西

京大同府金改總管府元初置警巡院至元二十五年

改西京爲大同路戶四萬五千九百四十五口十二萬

八千五百領司一縣五州八州領四縣大德四年於西

田六年立萬戶府所屬山陰雁門馬邑郵陽洪濟金城寧武凡七屯

錄事司

縣五

大同中倚郭至元二年白登下至元二年廢爲鎮宣寧

年省西縣入焉下平地下本號平地裊至元二年省懷仁下

州八

弘州下唐爲清塞軍隸蔚州遼置弘州金仍舊舊領

元史卷七十一 志 地理 差

襄陰順聖二縣元至元中割順聖隸宣德府惟領襄陰及司侯司後並省入州

渾源州下唐爲渾源縣隸應州金升爲州仍置縣在郭下并置司侯司元至元四年省入州

應州下唐末置後唐升彰國軍元初仍爲應州領二

縣金城

下州治所

山陰

下至元二年并入金城後復置

朔州下唐改馬邑郡爲朔州後唐置鎮武軍節度於此宋爲朔寧府金仍爲朔州元因之領二縣鄯陽下

元四年省錄事司入焉

馬邑

下

武州

下

唐隸定襄馬邑二郡遼置武州宣威軍元至

元二年割寧邊州之半來屬舊領寧邊一縣及司侯

司四年省入州

豐州下唐爲振武軍遼金爲豐州元因之舊有錄事司及富民縣元至元四年省入州

東勝州下唐勝州又改榆林郡又復爲勝州張仁愿築三受降城東城南直榆林後以東城濱河徙置綏遠峯南部遼爲東勝州金初屬西夏後復取之仍爲東勝州元至元二年省寧邊州之半入焉舊有東勝縣及錄事司四年省入州

雲內州下唐初立雲中都督府復改橫塞軍又改天德軍卽中受降城地遼金爲雲內州舊領雲川柔服二縣元初廢雲川設錄事司至元四年省司縣入州

本紀延祐六年置雲南縣隸雲內州舊志未載

河東山西道肅政廉訪司

冀寧路上唐并州又爲太原府宋金因之元太祖十一年立太原路總管府大德九年以地震改冀寧路戶七萬五千四百有四口十五萬五千三百二十領司一縣十州十四州領九縣

錄事司

縣十

陽曲

中倚郭

文水

中

平晉

下

祁縣

下舊隸晉州後

榆次

州廢隸太原路

次

下至元二年

太谷

下

清源

下

壽陽

下

交城

下

徐溝

州十四

汾州

中

唐改西河郡爲浩州又改汾州又改西河郡

又仍爲汾州金置汾陽軍元立汾州元帥府割靈石

縣隸平陽路之霍州仍析置小靈石縣後廢府至元

二年復行州事省小靈石入介休三年并溫泉入孝

義領四縣西河

中

孝義

下至元三年割溫泉縣之半置巡檢司隸本縣

平遙

下元初屬太原府至元二年來屬

介休

下元初置隸太原府至元二年來屬仍省小靈石縣

焉入

石州

下

唐初改離石郡爲石州又改昌化郡又仍爲

石州宋金因其名元中統二年省離石縣入本州三

年復立至元三年省溫泉入孝義以臨泉爲臨州舊

置司候司後與孟門方山俱省入離石領二縣離石

下倚郭

寧鄉

下太宗九年隸太原府定宗三年隸石州憲宗九年又隸太原府至元三年復

屬來

忻州

下

唐初置新興郡後改忻州又改定襄郡又爲

忻州金隸太原府元初升爲九原府旋復爲忻州領

元史卷七十一

志

地理

毛

二縣秀容入忻州四年復置定襄

平定州下唐爲廣陽縣宋爲平定軍金爲平定州元

至元二年省倚郭平定樂平二縣入本州七年復立

樂平領一縣樂平下倚郭至元二年省縣爲鄉入本州立巡檢司七年復立

臨州下唐置臨泉縣又置北和州後州廢隸石州宋

置晉寧軍金廢軍置臨泉縣隸石州元中統二年仍

改臨泉縣直隸太原府三年升臨州

保德州下本嵐州地宋始置州舊有倚郭保德縣元

憲宗七年廢縣至元二年省隸州芭州入本州三年

又并岢嵐軍入焉四年割岢嵐隸管州隸州仍來屬

本紀大德元年以隸州巡檢司爲河曲縣隸保德州舊志未載

崞州下本崞縣元太宗十四年升崞州

管州下唐以靜樂縣置後州廢屬嵐州後又爲憲州
宋爲靜樂軍金爲靜樂郡又改爲管州元太祖十六
年以嵐州之岢嵐寧化樓煩并入本州至元二十二
年割岢嵐隸嵐州而寧化樓煩并入本州

代州下唐置代州總管府金改都督府元中統四年
并雁門縣入州

臺州下唐爲五臺縣隸代州金升臺州隸太原路元
因之

興州下唐臨津縣隸嵐州又改合河縣金升興州隸
太原路元因之

堅州下唐繁峙縣金爲堅州隸太原路元因之

嵐州下唐宋竝爲嵐州金升鎮西節度至元二年省

入管州五年復立

孟州下本孟縣金升爲州元因之

晉寧路上唐晉州金爲平陽府元初爲平陽路大德九年以地震改晉寧路戶十二萬六百二十口二十七萬有百二十領司一縣六府一州九府領六縣州領四十縣

錄司事

縣六

臨汾中倚郭襄陵中洪洞中浮山下汾西下岳陽下本倚氏

縣屬平陽府至元三年省入岳陽縣四年以縣當東西驛路之要復置并岳陽和川二縣入焉後復改爲

岳陽縣

府一

河中府唐蒲州河東郡又改河中府置護國軍節度
於此宋金因之元憲宗在潛置河解萬戶府領河解
二州河中府領錄事司及河東臨晉虞鄉猗氏萬泉
河津滎河七縣至元三年省虞鄉入臨晉省萬泉入
猗氏并錄事司入河東罷萬戶府而河中府仍領解
州八年割解州直隸平陽路河中止領五縣十五年
復置萬泉縣來屬領六縣河東下府萬泉下猗氏下
滎河下金隸滎州元初廢臨晉下河津下

絳州九

絳州下唐初爲絳郡又改絳州宋置防禦金改晉安
府元初爲絳州行元帥府河解二州諸縣皆隸焉後
罷元帥府仍爲絳州隸平陽路領七縣正平下倚郭至元二

年省錄事司入焉

太平

中

曲沃

下

翼城

下金爲翼州元初復爲翼城縣隸絳

州稷山

下絳縣

下至元二年省垣曲縣入焉十年復立垣曲縣絳縣如故

曲

下

潞州

下

唐初爲潞州後改上黨郡又仍爲潞州宋改

隆德府金復爲潞州元初爲隆德府行都元帥府事

太宗三年復爲潞州隸平陽路至元三年以涉縣割

入眞定府以錄事司并入上黨縣領七縣上黨

關

下

長子

下

潞城

下

屯留

下至元三年省入襄垣十五年復置

襄垣

下黎城

下至元二年并涉縣偏城等十三村入焉

澤州

下

唐初爲澤州後爲高平郡又仍爲澤州宋屬

河東路金爲平陽府元初置司候司及領晉城高平

陽城沁水端氏陵川六縣至元三年省司候司陵川

縣入晉城省端氏入沁水後復置陵川領五縣晉城

下高平

下陽城

下沁水

下陵川

下至元三年省入晉城後復置

解州

下

本唐蒲州之解縣五代漢乾祐中置解州宋

屬京兆府路金置寶昌軍元至元四年并司候司入

解縣

有鹽池方百有二十里

領六縣解縣

下

安邑

下

聞喜

下

夏

縣

下

平陸

下

芮城

下

霍州

下

唐初爲霍山郡治霍邑縣又改呂州又廢州

而以霍邑縣隸晉州金改霍州元因之領三縣霍邑

下倚郭有霍山爲中鎮

趙城

舊屬平陽府

靈石

下舊屬汾州

隰州

下

唐初爲隰州又改大寧郡又仍爲隰州元以

州隸晉寧路領五縣隰川

中州治所至元三年省大寧溫泉三縣入焉

大

寧

下至元三年省入隰川二十三年復置

石樓

下

永和

下

蒲縣

下

沁州下唐初爲沁州又改陽城郡又仍爲沁州宋置

威勝軍金仍爲沁州元因之領三縣銅鞮下州治所至元三年

省錄事司武鄉縣入焉沁源下至元十年省武鄉下至元三年省入銅鞮

觀後復立

遼州下唐初置遼州又改箕州又改儀州宋復爲遼

州元隸晉寧路領三縣遼山下倚榆社下至元三年

年復立和順下至元三年省

吉州下唐初置西汾州又爲南汾州又改慈州宋置

吉鄉軍金改耿州又改吉州元初領司侯司吉鄉鄉

寧二縣中統二年并司侯司入吉鄉縣至元二年省

吉鄉三年又省鄉寧並入州後復置鄉寧領一縣鄉

寧下

嶺北等處行中書省統和寧路總管府

○原業地志目錄嶺北行省後附以

嶺西阿母河行省其棄並佚又舊史地志未有西北地附錄而橐本亦闕蓋亦重修後散佚矣今仍錄嶺北行省依舊志列之都省之次而移西北地附焉以其接壤近也蓋金山南北雖至元大德間經海都篤哇之亂而至大以後嶺北謙州五部仍同內地郡縣嶺西僻迷思干諸城民賦亦輸縣官以及西北阿羅思西南印度親舊諸藩王如月祖別如不賽因等俱歲貢惟謹與中土分封無異舊志別西北地於行省之外尙爲失當故移附於此云

和寧路

上

始名和林以西有哈刺和林河因以名城元

太祖十五年定河北諸郡建都於此初立元昌路後改

轉運和林使司前後五朝都焉

太宗乙未年城和林作萬安宮丁酉治遡堅茶

寒殿在和林北七十餘里戊戌營圖

蘇湖迎駕殿去和林城三十餘里世祖中統元年遷

都大興和林置宣慰司都元帥府後分都元帥於金山

之南和林止設宣慰司至元二十六年諸王叛兵侵軼

和林宣慰司怯伯等乘隙叛去二十七年立和林等處

都元帥府大德十一年立和林等處行中書省以淇陽
王月赤察爾爲右丞相太傅荅刺罕爲左丞相罷和林
宣慰司都元帥府置和林總管府至大二年改行中書
省爲行尙書省四年罷尙書省復爲中書省皇慶元年
改嶺北等處行中書省改和林路總管府爲河寧路總
管府至元二十年令西京宣慰司送牛一千赴和林屯
田二十二年并和林屯田入五條河三十年命成
和林漢軍四百人留百人餘令耕屯杭海元貞元年於
六衛漢軍內撥千人赴稱海屯田北方立站帖里干木
磷納憐等百
有十九處

西北地附錄

篤來帖木爾

○疑爲太祖次子察合台後自途魯吉以下至彰八里蓋皆其分地

途魯吉

柯耳魯地

畏兀爾地

至元二十年立畏兀爾四處站及交鈔庫

哥疾寧

可不里

巴達哈傷

途思

忒耳迷

不花刺

那黑沙不

的里安

撒麻耳干

忽甌

麻耳亦囊

可失哈耳

忽炭

柯提

兀提刺耳

巴補

譌跡邦

倭赤

苦義

柯散

阿忒八失

八里茫

察赤

也云赤

亦刺八里

普刺

也迷失

阿力麻里

自上都西北行六千里至同鴉五城唐號

北庭置都護又西北行四五百里至阿力麻里至元五年海都叛舉兵南來世祖逆敗之於北庭又追至阿力麻里則又遠遁二千餘里上令勿追以皇子北平王統諸軍於阿力麻里以鎮之命丞相安童往輔焉

合刺火者

魯古塵

別失八里

至元十五年授八撒察里虎符掌別失八里畏兀爾城子里軍站事十七年以萬戶某公

直成別失八里

置新站三十二年立別失八里和州等處

別失八里

宣慰司二十一年阿只吉使來言元隸只必帖木爾二

隸省至是奉旨誠如所言其還正之二十三年遣侍衛

新附兵千人屯田別失八里置元帥府即其地以總之

他古新

仰吉八里

古塔巴

彰八里

卽唐史所載骨利幹國也烏斯亦因水爲名在乞里吉思
東謙河之北其俗每歲六月上旬刑白馬牛羊灑馬漚咸
就烏斯沐漣以祭河神謂其始祖戾從出故也感合納猶
言布囊也蓋口小腹巨地形類此因以爲名在烏斯東謙
河之源所從出也其境上惟有二山口可出入山水林樾
險阻爲甚野獸多而畜字少貧民無恆產者皆以樺皮作
廬帳以白鹿負其行裝取鹿乳采松實及剛山丹芍藥等
根爲食冬月亦乘木馬出獵謙州亦以河爲名去大都九
千里在乞里吉思東南謙河西南唐麓嶺之北居民數千
多悉蒙古回紇人東有工匠數局蓋元初所徙漢人也沃
衍宜稼夏種秋成不煩耘耔或云王汗始居此地蓋蘭者
蛇之稱也初州境山中居人見一巨蛇長數十步從穴中
出飲河腥聞數里因以名州至元七年詔遣劉好禮爲乞
里吉思感合納謙州益蘭州等處斷事官卽於此州修庫
廩置傳舍以爲治所先是數部民俗皆以杞柳爲杯皿刻
木爲槽以濟水不解鑄作農器好禮聞諸朝乃遣工匠教
爲陶治舟楫
土人便之

元史卷七十一

志

地理

三

元史卷七十一終